

INFORMACIJA

O STANJU NA PODRUČJU KANTONA SARAJEVO 30. MAJA U 9 SATI

Prema podacima dobivenim od općinskih operativnih centara civilne zaštite, stanje na područjima koja su bila ugrožena od poplava i klizišta se normalizuje, ekipe općinskih službi civilne zaštite su stalno na terenu, prate situaciju, posebno oko klizišta (općina Vogošća). Konstantno se vrši monitoring na aktualnim klizištima i preduzimaju se neophodne mjere zaštite.

Štab civilne zaštite Kantona Sarajevo je nastavio sa aktivnostima na pružanju pomoći u čišćenju i sanaciji nastale štete najugroženijim općinama u BiH.

Tako je u organizaciji i koordinaciji Štaba civilne zaštite Kantona Sarajevo sa sindikalnom organizacijom KJKP „Toplane“ u jutarnjim satima 30. maja upućena grupa od 35 uposlenika navedenog preduzeća na područje općine Maglaj na pružanju pomoći u otklanjanju posljedica od poplava. Prijevoz, potrebni alat i opremu je obezbjedila Kantonalna uprava civilne zaštite Sarajevo.

U koordinaciji i saradnji Štaba CZ Kantona Sarajevo i KJKP „Park“, jutros u 05:30 sati, u Maglaj je upućen konvoj sa mehanizacijom i ljudstvom, u cilju pomoći u sanaciji posljedica poplava. Konvoj se sastoji od: dva autobusa i više putničkih vozila sa oko 130 ljudi, dva kamiona opremljena uređajima za samoutovaranje, jedan traktor sa frezom, dva motokultivatora. Obezbeđena je i potrebna količina travne smjese i sadnica cvijeća za uređenje parkova, kao i bravari koji će raditi na osposobljavanju klupa.

U toku 28. i 29. maja Crveni križ Kantona Sarajevo u saradnji sa općinskim organizacijama crvenog križa Olovo i Maglaj je dostavio humanitarnu pomoć stanovništvu navedenih gradova. Pomoć se sastoji od paketa sa hranom, sredstvima za higijenu, polovnom obućom i garderobom i vodom za piće.

U uzvještajnom periodu je prijavljen pronalazak više komada ručnih bombi na lokalitetu Prijeka česma br.48. (općina Stari Grad).

Informacija o pronalasku neeksploziviranih ubojnih sredstava je proslijeđena Timu za UES Federalne uprave civilne zaštite, čiji pripadnici su preuzeli navedena sredstva.